

POÉTES DI PATOIS...

Poètes di patois, que tchaintèz note tiere,
Et vòs, mes bons aimis, les riòlous, les contous,
Que saïtes nòs eùffri lou sné et lai saivou
Di laingaidge des lôvres et peus de lai praiyiere,

De lai bésaingne âchi, des laïgres, di sôrire,
De l'aimitie encoué, de lai poéne et d'lai ch'vou,
D'lai saidgence d'nos dgens, et des môments hèy'rous,
De lai fête en l'hôtâ et peus de l'heure driere,

È vòs tus, adjed'heû, i tire mon tchaipé,
Pouèch'que vòs èz conchtrut chu lou sô di péssè
Ïn monûement fin dru, qu'éçhaire not' aiv'ni,

C'tu que vadge, è traivie lai fûete des onnaies,
L'tiulturâ paitrimoine et lou djèt de musaie
Des véyes de ciro, en tiu i dis « méchi » !

